

Soalan Lazim (FAQ)

Caj Balik Perubahan Duti Setem bagi Instrument Berkaitan Cek bagi Pelanggan Bukan Individu

1. Mengapa saya dikenakan caj RM0.85 bagi setiap helaian cek sekarang?

Caj ini merujuk kepada perbezaan di antara duti setem terdahulu sebanyak RM0.15 dan duti setem baharu sebanyak RM1.00 bagi setiap helaian cek, seperti yang ditetapkan di bawah Akta Kewangan 2024.

Akta ini telah diwartakan pada 31 Disember 2024 dan duti sebanyak RM1.00 mula berkuat kuasa pada 1 Januari 2025. Caj balik ini dibuat bagi memastikan pematuhan sepenuhnya untuk cek yang dikeluarkan antara 1 Januari hingga 28 Februari 2025.

2. Adakah pelarasan RM0.85 ini caj yang dikenakan oleh pihak bank?

Tidak, ini bukan caj yang dikenakan oleh pihak bank.

Jumlah yang dikutip melalui caj balik ini adalah untuk dibayar kepada Lembaga Hasil Dalam Negeri (LHDN) bagi cek yang telah dikeluarkan pada Januari dan Februari 2025 seperti yang ditetapkan di bawah Akta Kewangan 2024. Duti setem adalah levi yang dikenakan oleh kerajaan dan tidak disimpan oleh pihak bank.

3. Berapakah jumlah keseluruhan duti setem bagi setiap cek?

Jumlah keseluruhan duti setem ialah RM1.00 bagi setiap helaian cek, berkuatkuasa 1 Januari 2025, seperti yang ditetapkan di bawah Akta Kewangan 2024.

4. Bilakah caj balik RM0.85 ini akan dikenakan?

Caj balik untuk cek yang dikeluarkan antara 1 Januari hingga 28 Februari 2025 akan diproses pada 17 Jun 2025.

Caj ini akan dipaparkan dalam penyata akaun atau sejarah transaksi anda dengan rujukan kepada pelarasan duti setem.